

րին՝ Ապրոյ Զեյեպի ձեռնտուութեամբ: Օսմանեան Պետութեան մէջ բնակող Հայութիւնը էջմիածնի կաթողիկոսէն անջատելու ծրագիրը հաճելի կ'անցնի Մեծ Վեզիրին, որ փոխան ընծաներու, Եղիազարի կը շնորհէ տաճկահայոց վրայ կաթողիկոսանալու հրովարտակը կամ սուլթանական ֆերմանը, և միանգամայն Երուսաղէմի Պատրիարքութիւնն ու Աթոռը: Եղիազար կը փութայ մեկնիլ Բերիա, ուր Խաչատուր Գ. Գաղատացի՝ իր խոստումին համաձայն, ընթերցողայութեամբ բազմաթիւ եպիսկոպոսներու, զինք կաթողիկոս կ'օծէ Ս. Քառասնից եկեղեցւոյն մէջ (4): Այս մասին Զամբուի Հեղինակը կը գրէ. «Սուլթան Մահմետին ֆարման, զի Եղիազար վարդապետն Հռոմկլայեցի, (որ լինի Պատրիարք Ս. Երուսաղէմի), թելադրութեամբ Ռնոփրիոս և այլոց ոմանց վարդապետաց օծանի կաթողիկոս ի Բերիա ընդդէմ Սրբոյ Աթոռոյս և Յակոբ կաթողիկոսին Զուղայեցւոյ ի ՌՀԶ թուին տաճկաց և ի ՌՃԺԴ թուոջն մերում, և ֆարման առնու ի Սուլթան Մահմետէն՝ զի և յերուսաղէմ միւսոն օրհնեսցէ և անաի զնուիրակս առաքեսցէ յամենայն յազգս Հայոց, որ և խոստանայ յամի, հազար հինգ հարիւր ստակ ի յարքունիս» (5): Նոյնպէս Զաքա-

(4) Անդ 2552—2554:

(5) Զամբու, անդ 239: